



Халқ сўзи

Ўзбекистон — келажги буюк давлат

1991 йил 1 январдан чиқа бошлаган

E-mail: Info@xs.uz

2011 йил 28 апрель, № 83 (5250)

Пайшанба

БУЮК ВА МУҚАДДАССАН, МУСТАҚИЛ ВАТАН!

ТИББИЁТИМИЗНИНГ УЛКАН ЮТУҚЛАРИ

пойтахтимиздаги «Ўзэкспомарказ» мажмуида иш бошлаган «Соғлиқни сақлаш — ТИЕ» 16-халқаро кўргазмасида намоиш қилинмоқда



Мазкур тадбир мамлакатимизда ҳар йили анъанавий тарзда ўтказиб келинаётган тиббиёт ҳафталиги доирасида ташкил этилди. Кўргазма "ITE Uzbekistan" халқаро кўргазмалар компанияси, Ўзбекистон Республикаси Соғлиқни сақлаш ҳамда Ташқи иқтисодий алоқалар, инвестициялар ва савдо вазирликлари, "Ўзтибтехника" масъулияти чекланган жамияти ва бошқа ташкилотлар ҳамкорлигида ўтказилмоқда.

Кўргазма

Тўрт кун давом этиши кўзда тутилган ушбу тадбирда тиббиёт асбоб-ускуналари, фармацевтика маҳсулотлари, шифобахш дори-дармонлар, лаборатория, стоматология, фитотерапия ҳамда протезлаш технологиялари намоиш этиляпти. Экспонентлар орасида 40 дан зиёд маҳаллий ишлаб чиқарувчилар билан бирга жаҳоннинг Буюк Британия, Венгрия, Германия, Италия, Швейцария, Миср, Хиндистон, Хитой, Жанубий Корея, Япония, Россия, Украина, Беларусь каби 26 мамлакатидан 140 дан зиёд компаниялар ҳам бор.

— Ушбу кўргазма тиббиётдаги энг сўнгги янгиликларни намоиш этиш, хасталикларнинг олдини олиш, ташхис қўйиш ва даволаш борасидаги илғор тажрибаларни кенг миқёсда оммалаштириш имконини бериши билан аҳамиятлидир, — дейди кўргазма директори Шаҳноза Низомова. — Кувонарлиси, тадбирда маҳаллий компаниялар ҳам гагидан кўра фаол қатнашмоқда. Ишлаб чиқарувчиларимиз тақдим этаётган тиббий жиҳозлар, дори-дармон воситалари, физиотерапия асбоб-ускуналари жаҳоннинг энг етакчи фирма ва компанияларида ишлаб чиқарилган маҳсулотлар билан бемалол рақобатлаша олади. Масалан, юртимиздаги "Тиббий технологиялар", "Магнум Медикал", "Тиббиёт дунёси", "Глобал Импекс" каби ишлаб чиқарувчи ва дистрибьюторлар ҳозирданок хорижлик ҳамкорлар эътиборини тортиб улгурди.

(Давоми 2-бетда).

Кучли давлатдан — кучли фуқаролик жамияти сари

САЙЛОВЛАРДА ОШКОРАЛИК — АСОСИЙ МЕЗОН

Гулистон шаҳрида халқ депутатлари Сирдарё вилояти Кенгаши Фуқаролар йиғинлари раислари (оқсоқоллари) ва уларнинг маслаҳатчилари сайловини ташкил этиш ҳамда ўтказишга кўмаклашувчи комиссияси томонидан "Фуқаролар йиғини раиси (оқсоқоли) ва унинг маслаҳатчилари сайловининг ташкилий ва ҳуқуқий асослари" мавзуда амалий семинар ўтказилди.

Унда Олий Мажлис Сенати, ҳудудий кўмаклашувчи комиссия ва ишчи гуруҳлар аъзолари, "Маҳалла" хайрия жамғармаси вилоят бўлими вакиллари ва фуқаролар йиғинлари фаоллари иштирок этди.

Семинарда таъкидланганидек, вилоятда 352 та фуқаролар йиғини бўлиб, унинг 9 таси шаҳарча, 68 таси қишлоқ, 275 таси маҳалла фуқаролар йиғинидан иборат. Уларнинг барчасида кўмаклашувчи комиссия ва ишчи гуруҳлар тузилди.

Ҳозир улар томонидан сайлов жараёни билан боғлиқ тушунтириш ишлари олиб борилмоқда. Зеро, бундай тарғибот-тушунтириш ишлари сайлов жараёнида аҳоли фаоллигини ошириш ҳамда юртимизда фуқаролик жамиятини шакллантириш учун мустақкам замин ҳозирлайди.

— Мамлакатимизда амалга оширилаётган иш-хотларни чуқурлаштиришда ушбу сайловда сайланадиган фуқаролар йиғинлари раислари ва уларнинг мас-

лаҳатчиларининг ўрни катта, — дейди Янгиер шаҳар кўмаклашувчи комиссияси аъзоси Бозорбек Ҳакимов.

— Шундан келиб чиқиб, оқсоқол сайлашда маҳаллада энг обрўли, ташкилотчилик қобилиятига эга шахсларни танлашимиз зарур. Бунинг учун зарур шароит яратиш, қисқача айтганда, сайлов жараёни қонунийлик ва ошкоралик тамойиллари асосида ўттишини таъминлашга алоҳида эътибор қаратиш керак. Жумладан, фуқаролар йиғинларида

"Сайловчи бурчаги" ташкил этилиб, уларда сайлов қонунийлиги, кўмаклашувчи комиссиялар таркиби ва иш режаси ҳақидаги батафсил маълумотлар берилаяпти. Айни чоғда маҳаллий оммавий ахборот воситалари орқали тайёргарлик жараёни билан боғлиқ чиқишлар уюштириляпти.

Шунингдек, тадбирда мазкур сайловнинг ташкилий-ҳуқуқий асослари, кўмаклашувчи комиссия ва ишчи гуруҳлар вазифалари хусусида ҳам сўз юритилди. Шундан сўнг муҳокама этилган масалалар юзасидан тегишли тавсиялар ишлаб чиқилди.

Шомурод ХОЛМУРОДОВ, «Халқ сўзи» мухбири.

Кеча пойтахтимизда "BankExpo — 2011" банк технологиялари, ускуналари ва хизматлари йиллик миллий кўргазмаси иш бошланди. У Ўзбекистон Республикаси Марказий банки томонидан Олий Мажлис Қонунчилик палатасининг Бюджет ва иқтисодий ислохотлар ҳамда Ахборот ва коммуникация технологиялари масалалари кўмиталари, Ўзбекистон банклар ассоциацияси каби ташкилотлар кўмагида уюштирилди.

ИЛҒОР ТЕХНОЛОГИЯЛАР, ЗАМОНАВИЙ ХИЗМАТЛАР

мамлакатимиз банк-молия тизимида изчил жорий этилмоқда

Кўргазманинг очилиш маросимида таъкидланганидек, мамлакатимизда банк-молия тизимини ислох қилиш ва барқарорлигини оширишга алоҳида эътибор қаратилмоқда. На-тижада тижорат банклари-нинг қапи-

жаратиш шартлари ҳамда кўрсатилаётган хизмат турлари, уларнинг замонавий технологиялардан фойдаланиш даражаси ва бошқа кўплаб йўналишлар бўйича атрофлича маълумот оладилар. Соҳага татбиқ этилаётган

Ислохот

таллашув даражаси йил сайин ортиб, кўрсатилаётган хизматлар кўлами кенгайиб бораёпти. Президентимизнинг 2010 йил 26 ноябрдаги "2011 — 2015 йилларда республика молия-банк тизимини янада ислох қилиш ва барқарорлигини ошириш ҳамда юқори халқаро рейтинг кўрсаткичларига эришишни устувор йўналишлари тўғрисида"ги қарори бу борада дастурил-амал бўляпти.

Кўргазма эса айни шу қарор ижросини таъминлашга хизмат қилиши билан янада аҳамиятлидир. Чунки бу ерга келганлар миллий банк тизимининг бугунги ҳолати ва ривожланиш истиқболлари, тижорат банкларининг кредит

янгиликлардан хабардор бўладилар.


Тадбирда мавжуд тижорат банкларида ташқари, Лизинг берувчилар ассоциацияси, шунингдек, микромолиялаш ва нобанк молия секторининг етакчи ташкилотлари ҳам иштирок этаяптики, бу унинг нуфузи тобора ошиб бораётганидан далолат беради. Улар томонидан банк-молия соҳасининг замонавий технологиялари ва хизматлари, хусусан, e-banking, мобил тизимлар, пул ўтказиш ва видеокузатиш тизимлари, хавфсизликни таъминлаш ускуналари, янги ахборот технологиялари кенг намоиш этилмоқда.

(Давоми 3-бетда).

МАШЪАЛА ТЕРМИЗГА ЙЎЛ ОЛДИ

Шу кунларда бутун мамлакатимиз Термиз шаҳрида ўрта махсус, касб-хунар таълими муассасалари ўқувчилари ўртасида бўлиб ўтадиган "Баркамол авлод — 2011" спорт мусобақалари шукӯҳи билан яшамоқда.

Таъкидлаш лозимки, ёш авлодни она-юртга садоқат руҳида тарбиялаш, улар орасида соғлом турмуш тарзини шакллантиришда Юртбошимиз ташаббуси билан йўлга қўйилган уч босқичли тизим — "Умид ниҳоллари", "Баркамол авлод" ва Универсиада спорт уйинларининг алоҳида ўрни бор.



Сарҳисоб

чакана савдо айланмаси 10,9 фоизга, пуллик хизмат кўрсатиш 17,9 фоизга, экспорт ҳажми 2 мартага ортиси натижасида мана шундай иқтисодий ўсиш суръати таъминланди.

Экспортни қўллаб-қувватлаш ва тайёр маҳсулотларни ташқи бозорга чиқариш, шунингдек, маҳсулотлар рақобатбардошлигини кучайтириш бўйича амалга оширилган ишлар натижасида ҳудудий корхо-

налар экспорти 1,4 миллион АҚШ долларини ташкил этди.

"Кичик бизнес ва хусусий тадбиркорлик йили" Давлат дастури доирасида барча манбалар ҳисобидан 45,6 миллиард сўм, 2,9 миллион АҚШ доллари ва 11,2 минг евро миқдорига маблағ ўзлаштирилди. Хусусан, кичик бизнес субъектларига 29 миллиард сўмлик кредитлар ажратилди.

(Давоми 2-бетда).

Сўз — халқаро конференция иштирокчиларига

Шу йилнинг 22 — 23 апрель кунлари пойтахтимизда Ўзбекистон Республикаси Президенти Ислам Каримовнинг 2010 йил 12 ноябрдаги Олий Мажлис палаталари қўшма мажлисидаги Демократик ислохотларни янада чуқурлаштириш ва фуқаролик жамиятини ривожлантириш концепцияси ҳақидаги маърузасининг асосий қондаларига бағишланган халқаро илмий-амалий конференция бўлиб ўтди. Жаҳоннинг 46 мамлакатидан 200 нафардан зиёд олимлар, экспертлар ва жамоат арбоблари ҳамда нуфузли халқаро ташкилотлар вакиллари қатнашган ушбу анжуман кўтаринки руҳда ўтди. Айниқса, конференция иштирокчилари Ўзбекистонда амалга оширилаётган бунёдкорлик ишлари ҳақида ҳайрат ва қизиқиш билан гапирдилар. Бунинг уларнинг "Халқ сўзи" мухбири билан суҳбатларида ҳам кўриш мумкин.

«ДЕМОКРАТИК ДАВЛАТ ҚУРИШГА ШИЖОАТ ҲАМ, ТАЖРИБА ҲАМ ЕТАРЛИ»

Витторио ЖОРЖИ, Европа тарихий ҳудудлари иттифоқи раиси, адвокат (Италия):

— Бугунги глобаллашув шароитида фақатгина техника ва технология ривожланиш билангина одамлар ҳаётида туб ўзгаришларни амалга ошириб бўлмайди. Бундай натижаларга эришиш учун мамлакат ўтмишини чуқур ўрганиш, тарихий ёдгорликларни, асарларни асраб-авайлаш ҳамда кенг тарғиб қилишнинг, яъни маънан юксалик, баркамолликнинг ўрни бениҳоя каттадир. Президент Ислам Каримовнинг бу масалага алоҳида эътибор қаратаётганини ўзбек ва дунё давлатчилигининг етук намоёндаларидан бўлган Амир Темури сиймосини тиклаш бўйича амалга ошириляётган ишлар, машхур Буюк Ипак йўли чорраҳасида жойлашган шаҳарлар ва дунё илм-фани даргаларининг юбилейлари халқаро миқёсда кенг нишонланаётгани мисолида ҳам кўриш мумкин. Шунинг алоҳида таъкидлаш керакики, Европада тарихий шаҳарларни асраб-авайлаш масаласи доимо баҳс-мунозаралар асосида хал этиб келинган. Ўзбекистонда бу нарсага айнан Президентнинг ўзи катта ғамхўрлик кўрсатаётгани боис Самарқанд, Бухоро ва Хива сингари дунё цивилизацияси бешикларининг жозибаси, таровати тобора ортиб бормоқда.

Шу маънода айтганда, Демократик ислохотларни янада чуқурлаштириш ва фуқаролик жамиятини ривожлантириш концепцияси Ўзбекистонни ижтимоий-иқтисодий юксалишининг комплекс мажмуидир. Зеро, унда илгари сурилган қонунийлик ташаббуслари нафақат мамлакат ҳаётини ижтимоий-иқтисодий ривожлантириш, балки жамиятнинг маънавий устуворлигига қаратилганлиги билан ҳам аҳамиятлидир.

Жон ДЕЙЛИ, УРИ мухбири (АҚШ):

— Мен касбим тақозоси билан Ўзбекистонда кўп бора бўлганман. Мамлакатининг ижтимоий-сиёсий, социал-иқтисодий ҳаётидаги ўзгаришлар, Ўзбекистоннинг минтақадаги хавфсизликни, чунончи, Афғонистондаги барқарорликни таъминлашдаги ролига бағишлаб қатор мақола-лар чоп этганман. Минтақадаги сиёсий ва ҳарбий муаммоларни ҳал этиш бўйича Ўзбекистон раҳбарлиги сураётган ташаббуслар ўзининг кенг қамровли эканлиги ҳамда пухта сиёсий ва иқтисодий мантиққа асослангани билан ҳам аҳамиятлидир. Хусусан, Афғонистонда тинчликка эришиш бўйича таклиф этилган ҳамда халқаро ҳамжамият катта қизиқиш билдираётган "6+3" мулоқот гуруҳи мақсад ва вазифалари ҳам мана шундай фалсафани ўзида мужассам этган.

(Давоми 2-бетда).

КОНЦЕПЦИЯ: устувор вазифалар

Мамлакатимиз мустақиллигининг ўтган йиғирма йиллик зарварақларига назар ташлаб, унинг ҳар бир кунини янгиликлар, ривожланишнинг кечмаганлигига гувоҳ бўламиз. Давлатимиз раҳбарининг инсонийлик ва эзгулик тамойиллари билан суғорилган илғор қарашлари ва саъй-ҳаракатлари эвазига истиқлол йилларида юртимиз ижтимоий ҳаётининг барча соҳалари сингари давлат ҳокимияти бошқарувида ҳам кенг қамровли ислохотлар босқичма-босқич амалга оширилмоқда. Бунинг натижасида давлат ҳокимияти бошқаруви эркинлашиб, янада демократлашиб бораётганлиги, айниқса, кувонарлидир.

МУСТАҚИЛ ТАРАҚҚИЁТИМИЗ ВА ЖАМИЯТ ҚУРИЛИШИНИНГ МУҲИМ ДАСТУРИ

Мамлакатимиз тараққиётининг навбатдаги босқичи икки палатали парламентнинг ташкил этилганлиги бўлди. Давлатимиз раҳбари 2005 йил 25 январь кунини бўлиб ўтган унинг дастлабки қўшма мажлисида "Мамлакатимизда икки палатали парламентга сайловлар ўтказиш бўйича қабул қилинган кўп жиҳатдан ўзига хос тизим ҳамда сайловлар жараёнининг ўзи республикада фаолият юритаётган сиёсий партиялар, жамоат ташкилотларининг кескин жонланishi ва фаоллигини кучайтиришда, айтиш керакики, уларнинг масъулияти орттиришда гоят кучли омил бўлди", деб таъкидлаган эди.

Ўзбекистон Республикаси Президентининг қонунийлик ташаббуси асосида 2007 йил 11 апрелда қабул қилинган "Давлат бошқарувини янгилаш ва янада демократлаштириш ҳамда мамлакатни модернизация қилишда сиёсий партияларнинг ролини кучайтириш тўғрисида"ги Конституциявий қонун давлат бошқарувини мазмунан янгилаш, бунда мавжуд демократик тамойилларни кенгроқ жорий этиш ҳамда мамлакатни модернизация қилишда сиёсий партияларнинг ролини янада кучайтириш мақсадларини қамраб олди.

(Давоми 2-бетда).

ТАНҚИД ВА ТАҲЛИЛ РУҲИДА

Жойларда 2011 йилнинг биринчи чорагида ҳудудларни ижтимоий-иқтисодий ривожлантириш яқунлари ва галдаги энг муҳим устувор вазифаларни амалга оширишни сўзсиз таъминлаш чора-тадбирларига бағишланган фаоллар йиғилишлари бўлиб ўтмоқда.

Хусусан, ҚОРАҚАЛПОҒИСТОН РЕСПУБЛИКАСИ Вазирлар Кенгаши Раиси Б. Янгибоев бошқарган ана шундай йиғилишда таъкидланганидек, ҳисобот даврида ишлаб чиқаришни модернизациялаш, техник ва техноло-

гик қайта жиҳозлаш бўйича амалга оширилган ишлар натижасида республикада ялпи ҳудудий маҳсулот ишлаб чиқариш 14,9 фоизга ўсди. Саноат маҳсулотлари ҳажми 9,8 фоизга, қишлоқ хўжалиги маҳсулотлари 9,3 фоизга,

қачана савдо айланмаси 10,9 фоизга, пуллик хизмат кўрсатиш 17,9 фоизга, экспорт ҳажми 2 мартага ортиси натижасида мана шундай иқтисодий ўсиш суръати таъминланди. Экспортни қўллаб-қувватлаш ва тайёр маҳсулотларни ташқи бозорга чиқариш, шунингдек, маҳсулотлар рақобатбардошлигини кучайтириш бўйича амалга оширилган ишлар натижасида ҳудудий корхо-

